



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 12. Victoriaci-Francici Parochi, necnon Bellovacensis Episcopi causa
ibidem examinata.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

de necessitate in Ecclesia Ordinum minorum munia restaurandi. XI. De iis separatim conferendis, necnon de dotibus in illis, qui eos recipiunt, requisitis. XII. De cunctis Clericis Ecclesiae Ministerio deputandis. XIII. De ætate, & dotibus eorum, qui ad sacros Ordines aspirant. XIV. De examine quoad eorum vitam, mores, & scientiam. XV. De officio Subdiaconi, Diaconi & Presbyteri erga Ecclesiam, cui destinati sunt. XVI. De Ordinibus gratis, & sine accepto præmio conferendis. XVII. Alia prorsus eximia conduntur decreta circa Clericos. XVIII. Agitur de Archidiaconorum visitationibus, & ruralium Decanorum officiis. XIX. De reparandis Ecclesiis, & S. imaginum cultu. Plura adhuc alia decreta condita videntur, non tamen illa præter ista novendecim typis excusa reperiuntur.

§. XII.

*Victoriaci-Francici Parochi, necnon
Bellovacensis Episcopi causa
ibidem examinata.*

In sexto hujus Concilii conventu comparebat Claudius Aubertinus Victoriaci-Francici Parochus responsurus ad accusationem in eum intentatam, per
*Tabb. p. 76,
87.*
Hist. Eccles. Tom. XLVII. C c rin-

Sæcul. XVI.
A.C. 1565.

Sæcul. XVI.
A.C. 1565. rinde acsi permultos annos a Parochia sua absens fuisset, & nunquam ad illam venisset: qui etiam, quo minus Victoriaci habitasset, causam allegabat, quod tunc, cum illuc veniret, necesse haberet degere in diversorio, cum nulla illic esset domus, quæ par esset Parocho, neque tamen propterea suo se defuisse officio ajebat, cum suis Parochianis semper idoneum subrogarit Vicarium, nec defuerit, qui illis verbum Dei prædicaret, fidei doctrinas exponeret, ac Sacramenta administraret. His dictis idem Parochus ita prosequabatur: „Mihi facile persuadere possum, ut meæ cedam paræciæ, si modo „a sancta Synodo quoad me habeatur „aliqua ratio, ut possim constituta pensione congrua honeste vivere, & non „cogar victum emendicare: porro duas „offerō conditiones, quamcunque placeat eligere, nempe ut vel Parochianis „detur Vicarius, qui fruatur tertia fructuum parte, vel ego ipse deinceps „nulla assignata pensione Parochiam „hanc meam retinere permittar.„

Dudum ea res discutiebatur, tandem vero decisum, quod hic Parochus suum beneficium cedere cogere, eidem tamen centum librarum pensio assignaretur.

Cete-

Sæcul XVI.
A C. 1565.

Ceterum cum Castillionæus Cardinalis Bellovacensis Episcopus in hoc conventu nequidem per suum Procuratorem comparuisset, ac Promotor illum contumacem declarari postularet, hinc Lotharingius Cardinalis hanc in rem suum iudicium proferre renuit, veritus, ne potius ex odio inter suam, & Castillionæam familiam flagrante, quam ex veritatis amore hanc sententiam pronuntiasse crederetur: eapropter potissimi censebant, hac de re ad Regem esse perscribendum, interim hic idem Castillionæus unanimi suffragio tanquam contumax declarabatur (*). Pariter in eodem hoc conventu quædam decreta fuere condita circa matrimonia, & raptores, at hæc non fuere promulgata. Denique in fine recitabantur literæ Caroli de Croy Tornacensis Episcopi datæ ex Cœnobio sancti Gislardi die decima quinta Octobris, in quibus is suam a Synodo absentiam excusabat. His peractis alterum Concilium secunda die Dominica post

(*) Erat hic idem perfidus Cardinalis, qui jam antea cum ingenti purpuræ dedecore a vera fide ad hæreticorum castra transiit. Leges desuper ipsa acta hujus Conventus in Congregatione XI.

Sæcul. XVI. post SS. Trinitatis Festum anno Christi
A. C. 1565. millesimo quingentesimo sexagesimo
 sexto esse celebrandum decernebatur.

§ XIII.

Concilium Cameracense.

Cum Maximilianus a Bergis Camera-
 censis Archiepiscopus novam digni-
 tatem suam Archiepiscopalem, de qua
 cum eo contendebat Rhemensis Archi-
 præsul, publico exercitio firmare vel-
 let, pariter in urbe sua Metropolita-
 na ineunte Mense Augusto Anno post
 Christum natum millesimo quingente-
 simo sexagesimo quinto suam celebra-
 bat Synodum, ubi aderant ex Episco-
 pis Tornacensis, Atrebatensis, Audo-
 marenfis, & Namurcensis. Porro prius-
 quam hujus Concilii acta incæperant,
 fidei professio prælegebatur, qua abso-
 luta viginti, & unus (*) proponeban-
 tur tituli, seu articuli in plura divisi
 capita, & quidem in primo libri hære-
 tici, suspecti, ac prohibiti condemnan-
 tur. II. Agitur de scholis, & sollicitu-
 dine

(*) Errore typi habetur *viginti & unus*,
 cum legendum sit *viginti duo*, totidem enim
 articuli in hoc Concilio fuere stabiliti, quos
 Continuator confuso ordine proposuit, omit-
 tens secundum, *de lectionibus Theologicis in ca-
 pitulis, & monasteriis.*